



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
1 DISEMBER 2017 (JUMAAT)

AKHBAR

MUKA SURAT

Sinar Harian

- 'Jamal bukan contoh yang baik' 20

Utusan Malaysia

- Pulih semula cerun 26



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
1 DISEMBER 2017 (JUMAAT)

Akhbar	Sinar Harian
Tajuk Berita	'Jamal bukan contoh yang baik'
Muka Surat	20

'Jamal bukan contoh yang baik'

Ibu bapa persoal jemputan Pengerusi Gabungan NGO Selangor itu ke Majlis Khatan Perdana 2017

84 m/s 20 11/12/2017



Antara ibu bapa yang tidak bersetuju Jamal terlibat dalam program yang dianjurkan di sekolah.

PANDANINDAH - Segelintir ibu bapa mempersoalkan jemputan Pengerusi Gabungan NGO Selangor, Datuk Seri Jamal Md Yunos bagi menghadiri majlis Khatan Perdana 2017 di sebuah sekolah kebangsaan di sini pada 25 November lalu.

Wakil ibu bapa, Normala Ismail berkata, sebagai ibu bapa mereka tidak bersetuju dengan jemputan itu berikutan Jamal terlibat dengan pelbagai kontroversi.

"Kami bimbang kontroversi yang ditimbulkan Jamal akan menular ke dalam sekolah dengan siri-siri jemputan seperti ini. Dia bukan contoh yang baik kepada pelajar.

"Ini juga bukan caranya untuk mendidik generasi muda yang merupakan harapan negara," katanya.

Menurutnya, program itu dipercayai adalah anjuran atas nama parti politik.

"Program itu juga tidak dimaklumkan kepada semua ibu bapa di sekolah berkenaan, kami tahu pasal majlis ini bila tengok banner ada gambar Jamal yang dipasang di luar sekolah berkenaan sehari sebelum majlis berlangsung," katanya.

Menurutnya, ibu bapa juga menggesa pihak sekolah, Jabatan Pendidikan Selangor dan Kementerian Pendidikan memberi penjelasan.

"Kita tak mahu insiden yang sama berulang pada masa hadapan," katanya kepada pemberita ketika ditemui di sini semalam.

Sebelum ini, Adun Chempaka, Datuk Iskandar Abdul Samad turut memper-

soalkan mengenai jemputan Jamal untuk merasmikan program itu.

Iskandar mendakwa ibu bapa kepada pelajar sekolah itu wajar menyuarakan bantahan kerana Jamal adalah individu kontroversi dan bukannya teladan yang baik untuk anak-anak mereka.

Iskandar yang juga Naib Presiden Pas menyifatkan kerajaan bersikap pilih kasih dengan membenarkan Umno mengadakan acara di dalam sekolah.

Katanya, tetapi pada masa sama menghalang pemimpin pembangkang, walaupun atas kapasiti kerajaan negeri.

Sementara itu, Jamal memaklumkan beliau tidak pernah datang ke program tersebut.



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

**KERATAN AKHBAR
1 DISEMBER 2017 (JUMAAT)**

Akhbar	Utusan Malaysia
Tajuk Berita	Pulih semula cerun
Muka Surat	26

KAWASAN hutan yang dibersihkan seterusnya menyumbang kepada masalah banjir lumpur kepada penduduk Kampung Felcra Semunggis, Hulu Langat, Selangor, baru-baru ini. - UTUSAN/AZLAN HADI ABU BAKAR



Penduduk berdepan ancaman tanah runtuh, banjir lumpur

Pulih semula cerun

um
ms 26
11/12/2017

Oleh ZULFADLI SHARIFUDIN, FAUZI SUHAIMI DAN AMIRUL AITMAN ANUAR
kota@utusanangroup.com.my

■ HULU LANGAT 30 NOV.

SKUAD TERJAH

KIRA-KIRA 400 penduduk Kampung Sungai Semunggis di sini dan Pertubuhan Pelindung Khazanah Alam Malaysia (Pekam) merayu agar projek Lebuhraya Lembah Klang Timur (EKVE) dihentikan ekoran ancaman wujudnya pergerakan tanah pada cerun.

Salah seorang wakil penduduk, **Junaidi Jamaluddin**, 39, berkata, projek yang melewati kawasan kediaman penduduk itu mengakibatkan beberapa kejadian banjir lumpur dan tanah runtuh yang belum pernah dialami penduduk sejak pelaksanaan projek bermula awal tahun ini.

Katanya, pembinaan lebuh raya itu terlalu hampir dengan kawasan kediaman penduduk hingga melahirkan rasa bimbang sekiranya berlaku runtuh tanah yang mampu meragut nyawa terutama warga rumah anak yatim dan pelajar tahfiz berdekatan.

"Ketidadaan papan tanda amaran mencukupi yang dipasang pihak pemaui mengeruhkan lagi keadaan lebih-lebih lagi keluar masuk jentera berat menggunakan jalan yang turut dilalui penduduk setempat.

"Pergerakan penduduk untuk keluar masuk ke jalan kampung utama iaitu Jalan Felcra Sungai Semunggis amat berbahaya bagi ibu bapa yang mahu mengambil dan menghantar anak mereka ke sekolah agama di sini," katanya kepada pemberita dalam sidang akhbar di sini semalam.

Selain kira-kira lebih 40 buah rumah penduduk, turut terjejas adalah penghuni Maahad Tahfiz Darul Huffaz, Rumah Anak Yatim dan Hidayah Al-Hijrah serta Kem Motivasi An-Naim Semunggis yang berdepan kejadian banjir lumpur.

Sementara itu Presiden PEKA, **Puan Sri Shariffa Sabrina Syed Akil** berkata, kegagalan pihak kontraktor mematuhi perintah Jabatan Alam Sekitar (JAS) terutama pembinaan zon penampungan sungai, telah menyebabkan pencemaran dan kerosakan pada 27 batang anak sungai.

Dakwanya, JAS telah mengeluarkan notis pemberhentian kerja pada 24 Oktober lalu namun pembinaan lebuh raya itu masih diteruskan hingga ke hari ini.

"Kami menggesa pihak berkaitan agar menghentikan projek pembinaan lebuh raya ini serta merta dan memulakan kerja-kerja pemuliharaan cerun dan zon penampungan sungai agar hakisan atau mendapan tanah dapat dielakkan daripada menjadi tragedi berdarah kelak.

"Audit alam sekitar juga perlu segera dilakukan bagi mengesan isu-isu berkaitan dan langkah penyelesaian yang perlu diambil selain sentiasa berhubung secara lebih dekat dan kerap bersama penduduk setempat supaya setiap pergerakan projek diketahui penduduk untuk tujuan waspada," jelasnya.

LEMBAH KLANG
NEGERI SEMBILAN
MELAKA



LERENG bukit yang semakin terhakis akibat hujan lebat membawa lumpur ke kawasan lebih rendah seterusnya menjadi punca banjir Hulu Langat.



KEJADIAN tanah runtuh dan banjir lumpur yang berlaku menimbulkan kebimbangan penduduk Kampung Sungai Semungkis, Hulu Langat, Selangor.

REAKSI

SEGERA HENTI PROJEK



"KEJADIAN banjir lumpur ini berlaku pertama kali sejak saya tinggal hampir 12 tahun di Kampung Sungai Semungkis.

Kesan banjir lumpur yang berlaku menyebabkan kerosakan rumah dan perabot."

LENI YUSNITA AMRIZAL
Penduduk



"PENGANJUR yang sebelum ini menempah untuk mengadakan kem di kawasan ini membatalkan program kerana berasa kurang

selamat dengan persekitaran di kem motivasi kami.

MD. HALLME SHAARI
Pengasas Kem An-Naim,
Sungai Semungkis,
Hulu Langat



"PENDUDUK berhampiran projek dalam kebimbangan siang dan malam. Diharapkan pihak berwajib mengambil tindakan segera."

NORAZIAH ABU MANSOR
Penduduk